



Na osnovu Odluke Općinskog vijeća Travnik o provođenju izbora za organe mjesnih zajednica Centar i Kalibunar, broj: 01-1-01-3-3-421/19 od 29.10.2019. godine, donesenoj na 29. redovnoj sjednici Općinskog vijeća dana 29.10.2019.g, („Službene novine općine Travnik“ broj 11/19), Komisija Općinskog vijeća za provođenje izbora u MZ Centar i Kalibunar, o b j a v l j u j e

JAVNI POZIV za izbor organa mjesne zajednice Centar

Pozivaju se građani koji su upisani u izvod iz Centralnog biračkog spiska za MZ Centar, odnosno građani koji imaju evidentirana prebivališta u naseljenim mjestima, naseljima i ulicama koje pripadaju MZ Centar, da učestvuju u izborima za organe mjesne zajednice i da biraju delegate za Skupštinu MZ, kandiduju predsjednika Skupštine, te predsjednika i članove Savjeta mjesne zajednice.

I – Mjesna područja sa statusom izbornih jedinica u MZ

U cilju omogućavanja učešća većeg broja građana u procesu izbora organa MZ Centar sjednice zborova građana održat će se za slijedeća mjesna područja:

1. **Poturmahala** sa pripadajućim ulicama i trgovima: Poturmahala, Ilhamijina, Šehida i Lončarica,
2. **Stanična** sa pripadajućim ulicama i trgovima: Stanična, Kulina bana, Bašbunar i Prnjavor,
3. **Bosanska** sa pripadajućim ulicama i trgovima: Bosanska, Gimnazijska, Glavica i Vezirska,
4. **Erika Brandisa** sa pripadajućim ulicama i trgovima: Erika Brandisa, Donja mahala i Donja čaršija, Mali trg,
5. **Konatur** sa pripadajućim ulicama i trgovima: Konatur, Hadži Ali bega Hasanspahića, Mehmed paše Kukavice, Krndija i Lukačka,
6. **Čabruša** sa pripadajućim ulicama i trgovima: Čabruša, Fatmić i Zenjak.

II – Struktura organa MZ Centar

Približna teritorijalna, nacionalna, polna i dobna struktura organa MZ Centar, obezbjedit će se kombinacijom broja mjesta u Skupštini i Savjetu MZ Centar, broja birača i broja mjesnih područja, na način iskazan u tabeli broj 1. ovog Javnog poziva.

Tabela 1.

R/B	NAZIV MJESNOG PODRUČJA	BROJ PREDSTAVNIKA MJ. PODRUČJA	
		SKUPŠTINA MZ (na bazi 43 delegata)	SAVJET MZ (na bazi 11 članova)
1.	POTURMAHALA	10	2
2.	STANIČNA	6	2
3.	BOSANSKA	7	2
4.	ERIKA BRANDISA	7	2
5.	KONATUR	8	2
6.	ČABRUŠA	5	1
Ukupno:		43	11

Konačnu raspodjelu mandata u Skupštini MZ Centar utvrditi će Komisija Općinskog vijeća za provođenje izbora u MZ Centar i Kalibunar, kombinacijom izbornih rezultata kandidata i broja mjesta predviđenih za određeno mjesno područje.

Prilikom izbora Savjeta MZ Centar, Skupština će na temelju principa i podataka koji se primjenjuju kod izbora delegata u Skupštini MZ obezbjediti poštivanje približne strukture Savjeta, o čemu konačno mišljenje daje Komisija.

III – Raspored održavanja zborova građana

Zborovi građana mjesnih područja, koji u smislu primjene pravila ovog Javnog poziva imaju status izbornih jedinica unutar MZ Centar, održati će se prema rasporedu prikazanom u tabeli 2. ovog Javnog poziva.

Tabela 2.

R/B	NAZIV ZBORA GRAĐANA (MJESNO PODRUČJE)	MJESTO ODRŽAVANJA	VRIJEME ODRŽAVANJA	
			DATUM	SAT
1.	POTURMAHALA	JU Centar za kulturu Travnik	16.12.2019.g	17;30
2.	STANIČNA	JU Centar za kulturu Travnik	17.12.2019.g	17;30
3.	BOSANSKA	Velika sala općine Travnik	18.12.2019.g	17;30
4.	ERIKA BRANDISA	Velika sala općine Travnik	23.12.2019.g	17;30
5.	KONATUR	Velika sala općine Travnik	09.01.2020.g	17;30
6.	ČABRUŠA	Velika sala općine Travnik	10.01.2020.g	17;30

IV – Način rada zborova građana

Rad zborova građana je javan i odvija se na sjednici. Glasanje na zborovima je javno. Pravo učešća u radu zborova građana imaju samo građani koji se nalaze na biračkom spisku ili im je prebivalište evidentirano na adresi naseljenih mjesta i ulica za koje je organizovan zbor.

Sjednicom zbora građana predsjedava lice imenovano od strane Komisije Općinskog vijeća za provođenje izbora u MZ Centar i MZ Kalibunar.

V – Dodatne informacije

Dodatne informacije vezane za izborni proces u MZ Centar mogu se dobiti u Službi za opću upravu i BIZ općine Travnik.

Ovaj Javni poziv će se objaviti na web stranici općine Travnik, sredstvima informisanja, te na oglasnim tablama ili panoima MZ Centar.

Broj: 01-1-01-3-3-421/19-4
Datum: 09.12.2019. godine.

